



唐詩拾遺卷之十目錄

七言律詩

李義府 五

邵昇 一

常元旦 二

崔湜 一

薛稷 一

李適 二

崔日用 二

馬懷素 二

武平 一

張說 二

蘇頲 一

萬楚 一

張謂 二

劉長卿 六

鮑防 一

顧况 一

李嘉祐 一

郎士元 三

包何 二

盧綸 五

司空曙 一

耿滂 一

李端 一

崔峒 三

苗發

釋靈一 三

釋護國

釋清注

釋法振

張南史

朱湾

戴叔倫

武元衡

權德輿

劉禹錫

楊巨源

王建

釋廣宣

朱慶餘

白居易

李紳

賈島

張祐

薛逢

温庭筠

趙嘏

陳陶

紀唐夫

李群玉

司馬禮

皮日休

張喬

李中

羅隱

周朴

唐彥謙

常莊

翁綬

韓喜

增入原係摘句今全載

閔朝隱

岑參

錢起

劉長卿

李嘉祐

韓翃

盧綸

司空曙

嚴維

耿滯

賈島

許渾

杜牧

趙嘏

李頻

常莊

張泌

譚用之

杜甫

二十

唐詩拾遺卷之十目錄

唐詩拾遺卷之十

新寧高棟編

七言律詩

李義府

奉和春日幸望春宮

東城結宇瞰千尋
北闕迴輿具四臨
麗日祥烟承翠
畢輕萋弱草藉衣簪
秦商重杏雲巖近
河渭縈紆霧壑深
謬接鴛鴦陪賞樂
還欣魚鳥遂飛沉

人日重燕大明宮
恩賜綵綫人勝應制

詰旦行春上苑中
憑高却下大明宮
千年執象寰瀛

泰七日為人慶賞隆
鐵鳳曾騫搖瑞雪
銅烏細轉入祥風
此時朝野歡無筭
此歲雲天樂未窮

興慶池侍宴應制

神池泛濫水盈科
仙蹕紆餘步輦過
縱棹河汾萍溜合
開軒眺賞麥風和
潭魚在藻欣游泳
谷鳥含櫻入賦歌
寄謝乘槎溟海客
匝頭來此問天河

侍宴安樂公主山莊應制

金輿玉輦背三條
水閣山樓望九霄
野外初迷七聖道
河邊忽覩二靈橋
懸冰滴滴依虬箭
清吹泠泠雜鳳簫
向晚平陽歌舞合
前溪更轉木蘭橈

奉和春初幸太平公主南莊應制

平陽館外有仙家
沁水園中好物華
地出東郊迴日御
城臨南斗度雲車
風泉韻遶幽林竹
雨霰光搖雜樹花
已慶時來千億壽
還言日暮九重賒

邵昇

奉和同前

附

沁園佳麗奪蓬瀛
翠壁紅泉繞上京
二聖忽從鸞殿幸
雙仙正下鳳樓迎
花含步輦空間出
樹雜帷宮畫裏成
無路乘槎窺漢渚
徒知訪卜就君平

帝元旦

奉和立春游苑迎春

灞涘長安恒近日殷正
臈月早迎新池魚戲葉仍含
凍宮女栽花已作春
向苑雲疑承翠幄入林風若起
青蘋年年斗柄東無限願挹瓊觴壽北辰

奉和春日幸望春宮

九重樓閣半山河四望韶陽春
未賒侍蹕妍歌臨灞
涘留觴艷舞出京華危萍競捧中衡日戲馬爭銜上
苑花景色歡娛長若此承恩不醉不還家

崔湜

奉和同前

澹蕩春光滿曉空逍遙御輦入離宮
山河降望雲天外臺榭參差烟霧中
庭際花飛錦綉合枝間鳥嘯管絃同
即此歡娛齊鎬宴唯應率舞樂薰風

薛稷

奉和同前附

九春風景足林泉四面雲霞敞御筵
花鏤黃山繡作苑草圖玄灞錦為川
飛觴競醉心迴日走馬爭看眼
着鞭喜奉仙遊歸路遠直論行樂不言旋

李適

奉和春日幸望春宮

玉輦金輿天上來，花園四望錦屏開。
輕絲半拂朱門柳，細纈全披畫閣梅。
舞蝶飛行飄御席，鶯歌度曲繞仙杯。
聖詞今日光輝滿，漢主秋風莫道才。

侍宴安樂公主山莊應制

平陽金榜鳳凰樓，沁水銀河鸚鵡洲。
綵仗遙尋丹壑裏，仙輿暫幸綠亭幽。
前池錦石蓮花豔，後嶺香鑪桂蕊秋。
貴主稱觴萬年壽，還輕漢武濟汾遊。

崔日用

奉和春日幸望春宮

東郊芳物正薰馨，素澹鳧鷖戲綠汀。
鳳閣斜通平樂

觀龍旂直逼，望春亭光風搖動。
蘭英紫淑氣，依遲柳色青。
渭浦明晨脩禊事，群公傾賀水心銘。

人日燕大明宮恩賜采縷人勝應制

新年宴樂正東朝，鍾鼓鏗鏗大樂調。
金屋瑤筐開寶勝，花牋絲筆頌春椒。
曲池苔色冰前液，上苑梅香雪裏飄。
宸極此時飛聖藻，微臣竊抃預聞韶。

馬懷素

春日幸望春宮

綵駝瑤輿俯碧潯，行春御氣發皇心。
搖風細柳縈馳道，映日輕花出禁林。
通野園亭開帝幕，連堤草樹狎

衣簪謬參西掖霑堯酒願沐南薰解舜琴

人日燕大明宮恩賜采綵人勝

萬宇千門平旦開天容宸象列昭回三陽候節金為
勝百福迎祥玉作杯就暖風光偏着柳辭寒雪影半
藏梅何幸得參詞賦職自憐終乏馬卿才

武平一

興慶池侍宴應制

鑾輿羽駕直城隈帳殿旌門此地開皎潔靈潭圖日
月參差畫舸結樓臺波搖岸影隨橈轉風送荷香入
酒來願奉聖情歡不極長遊春漢幾昭回

張說

侍宴隆慶池應制

靈池月滿直城隈黼帳天臨御路開東沼初暘疑吐
出南山曉翠若浮來魚龍百戲紛容與鳧鷖雙舟較
泝洄願似金堤青草馥長承瑤水白雲杯

奉和春日出苑遊囑應令

禁林豔裔發青陽春望逍遙出畫堂雨洗亭臯千畝
綠風吹梅李一園香鶴飛不去隨清管魚躍翻來入
綵航睿賞歡承天保定邁文更覩日重光

蘇頲

贈彭州權別駕

雙流脉脉錦城開，追餞年年往復迴。
祗道詞誼迎半刺，徒聞禮數揖中台。
黃鶯急嘯春風盡，班馬長嘶落日催。
莫愴分飛岐路別，還當奏最掖垣來。

萬楚

驄馬

金絡青驄白玉鞍，長鞭紫陌野遊盤。
朝驅東道塵恒滅，暮到河源日未闌。
汗血每隨邊地苦，蹄傷不憚隴陰寒。
君能一飲長城窟，為盡天山行路難。

張謂

西亭子言懷

數叢芳草在堂陰，幾處閑花映竹林。
樹上玄猿呼郡吏，沙邊白鳥應家禽。
青山看景知高下，流水聞聲覺淺深。
官屬不令拘禮數，時時緩步一相尋。

春園家宴

南園春色正相宜，少婦同行少婦隨。
竹裏登樓人不見，花間覓路鳥先知。
櫻桃解結垂簷子，楊柳能低入戶枝。
山簡醉來歌一曲，參差笑殺郢中兒。

已上係初唐盛唐之詩

劉長卿

唐詩抄選
卷四
觀校獵上淮西相公

龍驤校獵邵陵東野火初燒楚澤空師事黃公千載
後身騎白馬萬人中笳隨晚吹迎邊草箭沒寒雲落
塞鴻三十擁旄誰不羨周郎少小立奇功

漢陽獻李相公

退身高卧楚城幽獨掩閑門漢水頭春草雨中行
沒暮山江上捲簾愁幾人猶憶孫弘閣百口同乘范
蠡舟早晚却還丞相印十年空被白雲留

北歸入至德州界偶逢洛陽隣家李光宰
生涯心事已蹉跎舊路依然此重過近北始知黃葉

落向南空見白雲多炎州日日人將老寒渚年年水
自波華髮相逢俱若是故園秋草復如何

溫湯客舍

冬狩溫泉歲欲闌宮城佳節晚宜看湯熏仗裏千旗
暖雪照山邊萬井寒君門獻賦誰相達客舍無錢輒
自安且喜禮闈秦鏡在還將妍醜赴春官

登松江驛樓北望故園

淚盡江樓望北歸田園已陷百重圍平蕪萬里何人
去落日千山空鳥飛孤舟漾漾寒潮小極浦蒼蒼遠
樹微白鷗漁父徒相待未掃挽捨懶息機

上巳日越中與鮑侍御泛舟若耶溪

蘭橈萬轉望汀沙應接雲峯到若耶舊浦遠來移渡
口垂楊深處有人家永和春色千年在曲水鄉心萬
里賒君見漁船時借問前洲幾路入烟花

鮑防

人日陪宣州范中丞傳正與范侍御傳真
宴東峯亭

人日東風綻早梅謝家兄弟看花來吳姬對酒歌千
曲秦女留人酒百杯絲柳向空輕婉轉玉山看日潮
徘徊流光易去歡難得莫厭頻頻上此臺

顧況

送大理張卿

春色依依傷解携月卿今夜泊隋堤白沙洲上江籬
長綠樹村邊謝豹啼遷客本來無倚仗故人相去隔
雲泥越禽唯有南枝分日送歸鴻飛向西

李嘉祐

招隱寺送閩判官還江州

離別那逢秋氣悲東林吏作上方期共知客路浮雲
外暫愛僧房墜葉時長江九派人歸少寒嶺千重鴈
度遲借問潯陽在何處分看湖落一相思

卽士元

送柳縣裴明府之任兼充宣慰

白蘋楚水三湘晚芳草秦城二月初連鴈北飛看欲
盡孤舟南去意何如渡江野老思求瘼候館郴人憶
下車別後天涯何所寄故交惟有袖中書

送李敖湖南書記

憐君才與阮家同掌記能資亞相雄入楚豈忘看淚
竹泊舟應自愛江楓誠知客夢烟波裏肯厭猿鳴夜
雨中莫信衡湘書不到年年秋鴈過巴東

奉送杜相公益昌路作

春半梁山正落花台衡受律向天涯南去猿聲傍雙
節西來江色遶千家風吹畫角孤城曉林映蛾眉片
月斜已見廟謀能喻蜀新文更喜報金華

包何

和程貞外春日東郊卽事

卽官休浣憐遲日野老歡娛為有年幾處折花驚蝶
夢數家留葉待蚕眠藤垂宛地縈珠履泉長侵堦浸
綠錢直到閉關朝謁去鶯聲不散柳含烟

同閻伯均宿道觀有述

南國佳人去不回洛陽才子更須媒綺琴白雪無情

棄羅幌清風到曉開冉冉脩篁依戶牖迢迢列宿映
樓臺縱令奔月成仙去且作行雲入夢來

盧綸

宿定陵寺

古塔荒臺出禁墻磬聲初盡漏聲長雲生紫殿幡花
濕月照青山松栢香禪室夜聞風過竹奠筵朝啓露
沾裳誰悟威靈同寂滅更堪砧杵發昭陽

訓金部王郎中省中春日

南宮樹色曉森森雖有春光未有陰鶴侶正宜芳景
引玉人那為簿書沉山舍瑞氣偏當日鷲逐輕風不

在林更有阮郎迷路處萬株紅樹一谿深

和王負外冬夜寓直

高步長裾錦帳郎居然自是漢賢良潘岳斜年因鬢
髮楊雄託諫在文章九天韶樂飄寒月萬戶香塵裊
夜霜坐見重門儼朝騎可憐雲路好翱翔

奉和太常王卿訓李舍人中書寓直春夜

對月見寄

露如輕雨月如霜不見星河見鴈行虛暈入池波自
泛滿輪當苑桂偏香春臺幾望黃龍闕雲路寧分白
玉郎是夜巴歌應金石豈殊螢影對清光

洛陽早春憶吉中孚校書司空曙主簿因
寄清江上人

值迥逢高駐馬頻雪晴閑看洛陽春鶯聲報遠同芳
信柳色邀歡似故人酒貌昔將花共豔髮毛今與草
爭新年來百事皆無緒唯與湯師結淨因

司空曙

閑園即事寄陳公

欲就東林寄一身尚憐兒姪未成人柴門客去殘陽
在藥圃
喧秋雨頻近水方同梅市隱曝衣多笑阮
家貧深山蘭若何時到羨與閑雲作四隣

耿滯

同李端春望

二毛羈旅尚迷津萬井鶯花雨後春宮闕參差當晚
日山河迤遞靜纖塵和風醉裏承恩客芳草歸時失
意人南北東西各自去年年依舊物華新

李端

送馬尊師

南入商山松路深石牀溪水畫陰陰雲中採藥隨苑
節洞裏耕田映綠林直上烟霞空舉手迴經丘壠自
傷心武陵花木應長在願與門人更一尋

崔峒

慶州見鄭表新詩因以寄贈

梅花嶺裏見新詩感激情深過楚詞
平子四愁今莫比休文八詠自同時
萍鄉露冕真堪惜鳳沼鳴珂已訝遲
才子風流難定見湖南春草但相思

贈元秘書

舊書稍稍出風塵孤客逢秋感此身
秦地謬為門下客淮陰徒笑市中人也
聞阮籍尋常醉見說陳平不
久貧幸有故人茅屋在更將心事問情人

送馮八將軍奏事歸滑臺幕府

王門別後到滄洲帝里相逢俱白頭
自歎馬卿常帶疾還嗟李廣不封侯
棠梨宮裏瞻龍袞細柳營中着虎裘
想到滑臺桑落葉黃河東注杏園秋

苗發

送孫諭德罷官往黔州

孫公先牧此州因寄家在彼

中歲分符典石城兩朝趨陛謁承明
闕下昨陳歸老疏天南今切去鄉情
親知握手三回別几杖扶身萬里行
伯道暮年無嗣子欲將家事托門生

釋靈一

送王穎悟佐歸州

集作歸左綿

客意天南與已闌不堪言別向仙官夢推玉佩隨苑
節心到金華憶杏壇荒郊極望歸雲盡瘦馬長嘶落
日殘想得故山青靄裏泉聲入夜獨潺潺

哭衛尚書

畫戟重門楚水陰天涯欲暮共傷心南荆雙履痕猶
在北斗孤翬望已深蓮花幕下悲風起細柳營邊曉
月臨前路茫茫向誰問感恩空有淚沾襟

項王廟

緬想咸陽事可嗟楚歌哀怨思無涯八千子弟歸何
處萬里鴻溝屬漢家弓斷殿前爭日月血流垓下定

龍蛇拔山力盡烏江水今古悠悠空浪花

釋護國

傷蔡處士

篋中遺草是琅玕對此空令洒淚看二逕尚餘行跡
在數螢猶是映書殘晨光不借泉門曉暝色唯添壠
樹寒欲問皇天天更遠有才無命說應難

釋清江

送車叅軍江陵

叅軍一作帝

槐花落盡柳陰清蕭索涼天楚客情海上舊山無的
信東門歸路不堪行身隨幻境勞多事跡學禪心厭

有名公子道存知不棄欲依劉表住南荆

釋法振

送韓侍御自使幕巡海北

微雨過山夜洗兵繡衣遙拂海風清幕中運策心猶苦馬上吟詩卷已成離亭不惜花源醉古道猶看蔓草生因說元戎能破敵高歌一曲隴關情

張南史

江北春望贈皇甫補闕

閑園柳綠井柅紅野迳荒墟左右通清迥獨連江水北芳菲更似洛城東時看雨歇人歸岫每覺潮來樹

起風聞道金門堪濟世何須身與海鷗同

朱灣

尋隱者韋九於東溪草堂

尋得仙源訪隱淪漸來深處漸無塵初行竹裏唯通馬直到花間始見人四面雲山誰作主數家烟火自為隣路傍樵客何須問朝市如今不是秦

送李司直歸浙東幕兼寄鮑參軍持節大夫初拜東平郡王

翩翩書記早曾聞三十年来願見君今日相逢悲白髮同時幾許在青雲人從北固山邊去水到西陵渡

口分會作王門吏裾客為余前謝鮑參軍

戴叔倫

奉酬盧端公飲後贈諸公見示之作

佐幕臨戎旌旆間五營無事萬家閑
風吹楊柳漸拂地日映樓臺欲下山
綺席晝開留上客朱門半掩擬重關
當時不敢辭先醉誤逐群公倒載還

孟元衡

南徐別業早春有懷

生涯擾擾竟何成自愛深居隱姓名
遠鴈臨空翻夕照殘雲帶雨過春城
花枝入戶猶含潤泉水侵堦乍

有聲虛度年華不相見離鄉懷土并關情

權德輿

哭張十八校書

芸閣為郎一命初桐州寄傲十年餘
菟隨逝水歸何處名在新詩眾不如
蹉跎江浦生華髮牢落寒原會素車
更憶八行前日到含悽為報秣陵書

劉禹錫

贈日本僧智藏

浮杯萬里過滄溟遍禮名山適舊扃
深夜降龍潭水黑新秋放鶴野田青
身無彼我那懷土心會真如不

讀經為問中華道學者幾人雄猛得寧馨

送義舟師却還黔南

黔江秋水浸雲霓獨泛慈航路不迷
後狃窺齋林葉動蛟龍聞呪浪花低
如蓮半偈心常悟問菊新詩手自携
常說摩圍似靈鷲却將山屐上丹梯

奉送浙西李僕射赴鎮

建節東行是舊遊歡聲喜氣滿吳州
郡人重得黃丞相童子爭迎郭細侯
詔下初辭温室樹夢中先到景陽樓
自憐不識平津客遙望旌旗汝水頭

送李尚書鎮滑州

自浙西觀察徵拜兵部侍郎月餘有此拜也

南徐報政入文昌東郡須才別建章
視草名高同蜀客擁旄年少勝荀郎
黃河一曲當城下緹騎千重照路傍
自古相門體出相如今人望在巖廓

送李庚先輩赴選

一家何啻十朱輪諸父雙飛秉大鈞
曾脫素衣參幕客却為精舍讀書人
離筵洛水侵杯色征路函關向晚塵
今日山公舊賓主知君不負帝城春

楊巨源

長安春遊

鳳城春報曲江頭上客年年是勝遊
日暖雲山當廣

陌天清絲管在高樓
龍葱樹色分仙閣
縹緲花香泛御溝
桂壁朱門新邸第
漢家恩澤問鄼侯

王建

上陽宮

上陽花木不曾秋
洛水穿宮處處流
盡閣龍樓宮女笑
玉簫金管路人愁
幔城入澗橙花發
玉輦登山桂葉稠
曾讀列仙王母傳
九天未勝此中遊

釋廣宣

駕幸普濟寺應制

南方寶界幾由旬
八部同瞻一佛身
寺壓山河天宇

靜樓懸日月鏡光新
重城柳暗東風暖
複道花明上苑春
向晚鴛鴦歸鳳闕
曲江池上動青蘋

安國寺隨駕幸興唐觀應制

東隣何獻是西隣
禪客垣墻接羽人
萬乘遊仙宗有道
三車引路本無塵
初傳寶訣長生術
已證金剛不壞身
兩地同脩天上事
共瞻鴛鴦鶴重來巡

紅樓院應制

紅樓疑見白毫光
寺逼宸居福盛唐
支遁愛山情漫切
曇摩泛海路空長
經聲夜息聞天語
爐氣晨飄接御香
誰謂此中難可到
自憐深院得徊翔

再入道場紀事應制

南方歸去再生天內殿今年異昔年見闢乾坤新定
位看歸日月更高懸行隨香輦登仙路坐近爐烟講
法筵自喜恩深陪侍從兩朝長在聖人前

已上係中唐之詩

朱慶餘

送饒州張使君

白頭為郡清秋別山水南行豈覺賒楚老已應思入
境吳門從此去移家館依高嶺分樟葉路出重江見
葦花務退惟當吟咏苦留心曾不在天涯

送浙東周判官

久宜從事滄江外誰謂無官已白頭乘備戎裝嘶數
騎共持丹詔入孤舟蟬鳴驛道殘陽樹鷺起潮田片
雨秋到日重陪丞相宴鏡湖新日在城樓

白居易

夜宿江浦聞元九改官因寄此什

君遊丹陛已三遷我泛滄浪欲二年劔佩曉超雙鳳
闕烟波夜宿一漁舡交親盡在青雲上鄉國遙拋白
日邊若報生涯應笑殺結茅栽竹種畝田

李紳

初出淝口入淮

東風五日雪初晴淝口水開好濯纓野老擁途知意
重病夫拋郡喜身輕人心莫厭如弦直淮水長憐似
鏡清回首夕嵐山翠遠楚郊烟樹隱襄城

賈島

送胡道士

短褐身披漬野苔靈溪深處觀門開却從城裏携琴
去許到山中寄藥來臨水古壇秋醮罷宿杉幽鳥夜
飛回丹梯願逐真人上日夕歸心白髮催

張祐

揚州法雲寺雙檜

謝家雙植本圖榮樹老人亡地變更朱頂鶴知深蓋
偃白眉僧見小枝生高臨月殿秋雲影靜入風簷夜
雨聲縱使百年為上壽綠陰終借暫時行

薛逢

醉中

老聽笙歌亦解愁醉中匡遣合甘州行追赤嶺千山
外坐想黃河一曲流日暮豈堪征婦怨路傍能結旅
人愁左綿刺使心先死淚滿朱絃催白頭

溫庭筠

利州南渡

澹然空水帶斜暉，曲島蒼茫接翠微。
波上馬嘶看棹去，柳邊人歇待舡歸。
數蘖沙草群鷗散，萬頃江田一鷺飛。
誰解乘舟尋范蠡，五湖烟水獨忘機。

過五丈原

鐵馬雲騅久絕塵，柳陰高壓漢營春。
天清殺氣屯關右，夜半妖星照渭濱。
下國卧龍空寤主，中原逐鹿不由人。
象床寶帳無言語，從此譙周是舊臣。

法雲寺雙檜

晉朝名輩此離群，想對濃陰去住分。
題處尚尋王內

史盡時應是顧將軍，長廊夜靜聲疑雨。
古殿秋深影似雲，一下南臺到人世。
晚泉清籟更誰聞。

宿松門寺

白石青崖世界分，卷簾孤坐獨氛氲。
林間禪室春深雪，潭上龍堂夜半雲。
落日蒼涼登閣在，曉鍾搖漾隔江聞。
西山舊是經行地，願漱寒瓶逐領軍。

趙嘏

送僧歸廬山

禪棲忽憶五峯遊，去着方袍謝列侯。
經啓樓臺千葉曙，錫含風雨一枝秋。
題詩片石侵雲在，洗鉢香泉覆

菊流却憶前年別師處馬嘶殘月虎溪頭

贈天卿寺神亮上人師不下寺已五年

五看春盡此江濱花自零風日自曛空有慈悲隨物
念已無蹤跡在人群迎秋日色簷前見入夜鍾聲竹
外聞笑指白蓮心自得世間煩惱是浮雲

降虜

廣武溪頭降虜稀一聲寒角怨金微河湟不在春風
地歌舞空裁雪夜衣鐵馬半嘶邊草去狼烟高映塞
鴻飛揚雄尚白相如吃今日何人從獵歸

平戎

時諫官諭北虜未回天德軍師請脩城備之

邊聲一夜般秋輦牙帳連烽擁萬蹄武帝未能忘塞
北董生纔足使膠西冰橫曉渡胡兵合雪滿窮沙漠
騎迷自古平戎有良策將軍不用倚雲梯

宿楚國寺有懷

風動衰荷寂寞香斷烟殘月共蒼蒼寒生晚寺波搖
碧紅墮踈林葉滿床起鴈似驚南浦棹陰雲欲護北
樓霜江邊松菊荒應盡八月長安夜正長

早發剡中石城寺

暫息勞生樹色間平明機慮又相關吟辭宿處烟霞
去心負秋來水石閑竹戶半開鍾未絕松枝靜霽鶴

初還明朝一倍堪惆悵迴首塵中見此山

陳陶

旅泊塗江

烟雨南江一葉微松潭漁父夜相依斷沙鴈起金精
出孤嶺猿愁木客歸楚國柑橙勞夢想丹陵霞鶴間
音微無因得似滄溟叟始憶離巢已倦飛

紀唐夫

驄馬

連錢出塞蹋沙蓬豈比當時御史驄逐北自諳深磧
路連嘶誰念靜邊功登山每與青雲合弄影應知碧

草同今日虜平將換妾不知羅袖舞春風

李群玉

玉真觀

高情帝女慕乘鸞紺髮初簪玉葉冠秋月無雲生碧
落素渠含露出清瀾層城烟霧將歸遠浮世塵埃久
住難一自簫聲飛去後洞宮深掩碧瑤壇

司馬禮

曉過伊水寄龍門僧

龍門樹色暗蒼蒼伊水東流客恨長病馬獨嘶殘夜
月行人欲渡滿舡霜幾家烟火依村步何處漁歌似

故鄉山下禪庵老師在願將形役問空王

皮日休

題潼關闌若

潼津罷警有招提近百年無戰馬嘶壯士不言三尺
劍謀臣休道一丸泥昔時馳道洪波上今日宸居紫
氣西關吏不勞重借問棄繻生擬入耶溪

張喬

書邊事

萬里沙西寇已平犬羊群外築空城分營夜火燒雲
遠校獵秋鷗掠草輕秦將力隨胡馬竭蕃河流入漢

家清羗戎不識干戈老須賀明時聖主明

題宣州開元寺閣

誰家烟徑長莓苔金碧虛欄竹上開流水遠分山色
斷清猿時帶角聲來六朝明月惟詩在三楚空山有
鴈迴達理始應盡惆悵僧閑應得話天台

李中

經古觀有感

古觀寥寥枕碧溪偶思前事立殘暉漆園化蝶名空
在柱史猶龍去不歸丹井泉枯苔鎖合醮壇松老鶴
來稀回頭因嘆浮生事夢裏光陰疾若飛

羅隱

東歸途中作

松橘蒼黃覆釣磯
早年生計近年違
老知風月終堪恨
貧覺家山不易歸
別岸客帆和鴈落
晚程霜葉向人飛
買臣嚴助精靈在
應笑無成一布衣

湘中見進士喬詡

吳中臺下別經秋
破虜城邊暫駐留
一笑有時堪解夢
數年無故不同游
雲牽楚思橫魚艇
柳送鄉心入酒樓
且酌松醪依舊醉
誰能相見向春愁

燕昭王墓

戰國蒼茫難重尋
此中蹤跡想知音
強停別騎山花晚
欲弔遺魂野草深
浮世近來輕駿骨
高臺何處有黃金
因思郭隗平生事
不殉昭王若負心

周朴

哭李端

此詩疑非周朴之作

三年剪拂感知音
哭向青山永夜心
竹在曉烟孤鳳去
劍荒秋水一龍沉
新墳日落松聲小
舊宅春殘草色深
不及此時親執紼
石門遙想淚沾襟

唐彥謙

新豐

沛中歌舞百餘人帝業功成里巷新半夜素靈先哭
楚一星遺火下燒秦貔貅掃盡無三戶雞犬歸來識
四隣惆悵故園前事遠曉風長路起埃塵

常莊

悼三姬

鳳去鸞歸不可尋十洲仙路彩雲深若無少女花應
老為有姮娥月易沉竹葉豈能銷積恨丁香空解結
同心湘江水濶蒼梧遠何處相思弄舜琴

翁綬

折楊柳

紫陌金堤映綺羅遊人處處動離歌陰移古戍迷芳
草花帶殘陽落遠波臺上少年吹白雪樓中思婦歛
青娥殷勤攀折贈行客此去關山雨雪多

韓喜

松

倚空高樹冷無塵往事閑徵夢欲分翠色本宜霜後
見寒聲偏向月中聞啼猿想帶蒼山雨歸鶴應和紫
府雲莫向東園競桃李春光還是不容君

已上係晚唐之詩

閻朝隱

奉和春日幸望春宮

勾芒人面乘西龍道是春神衛九重綵勝年年逢七
日醱醱歲歲滿千鍾宮梅間雪祥光遍城柳含烟御
氣濃醉到君前情未盡願因歌舞自為容

岑參

送李司馬

柳鞦鶯嬌花復殷紅亭綠酒送君還到來函谷愁中
月歸去磻溪夢裏山簾前春色應須惜世上浮名好
是閑西望鄉園腸欲斷對君衫袖淚痕斑

錢起

送孫十

飛花落絮滿河橋千里鄉心送客遙不惜芸香染黃
綬惟憐鴻羽下青霄雲衢有志終驥首吏道無媒且
折腰急管繁絃催一醉頽陽不駐引征鑣

半日村

半日吳村帶晚霞閑門高柳亂飛鷗橫雲嶺外千重
樹流水聲中一兩家愁人昨夜相思苦閨月今來春
意賒自嘆梅生頭似雪却憐潘令縣如花

劉長卿

賦得

鶯啼燕語報新年馬走龍飛路幾千家住層城臨漢
苑心隨明月到胡天機中錦字論長恨樓上花枝笑
獨眠為問元戎寶車騎何時返旆勒燕然

李嘉祐

送從弟永

一官萬里向千溪水宿山行漁浦西日晚長烟高岸
近天寒積雪遠峰低芦花渚裏鴻相叫苦竹叢邊猿
暗啼聞道慈親倚門待到時蘭葉正萋萋

韓翃

送客歸江州

東歸復得來真游江水迎君日夜流客舍不離青雀
舫人家多住白鷗洲風吹山帶遙知雨露濕荷裳已
報秋聞道泉明居止近藍輿相訪會淹留

送人歸南陽

都門霽後不飛塵草色萋萋滿路春雙兔坡東千室
吏三鴉水上一歸人愁眠客舍衣香滿走渡河橋馬
汗新少婦北來多遠望應知嘻子上羅巾

送鄭員外

風流不減杜陵詩五十為郎未是遲孺子亦知名下
士樂人爭唱卷中詩身齊吏部還多醉心在尚書自

有期要路眼看知，已在不應窮巷久低眉。

盧綸

酬金部王郎中省中春日見寄

南宮樹色曉森森，雖有春光未有陰。
鶴侶正宜芳景引，玉人那為薄書沉。
山含瑞氣偏當日，鶯逐輕風不在林。
更有阮郎迷路處，萬株紅樹一溪深。

司空曙

靈雲寺

春山古寺遶滄波，石磴盤空鳥道過。
百丈金身開翠壁，萬龕燈焰隔烟蘿。
雲生客到侵衣濕，花落僧禪覆

地多不與方袍同結社，下歸塵世竟如何。

九日登高

詩家九日憐芳菊，逐客高齋瞰浙江。
漁浦浪花搖素壁，西陵樹色入秋窓。
木奴向熟懸金實，桑落新開瀉玉缸。
四子醉時爭講德，笑論黃霸屈為邦。

耿滯

許州書情

謫宦軍城老更悲，近來頻夜夢丹墀。
銀盃乍滅中心火，金鑷唯多兩鬢絲。
遶履綠苔聞鴈處，滿庭黃葉閉門時。
故人高步雲衢上，肯念前程杳未期。

賈島

寄韓愈

此心曾與木蘭舟直到天南潮水頭
隔嶺篇章來華岳出關書信過
瀧流峯懸驛路殘雲斷海浸城根老
樹秋一夕瘴烟風卷盡月明初上浪西樓

許渾

贈茆山高拾遺

諫獵歸來綺季歌大茆峰影滿秋波
山齋留客掃紅葉野艇送僧披綠莎
長覆舊圖碁勢盡遍添新品藥
名多雲中黃鵠日千里自宿自飛無網羅

南康阻陟

晴灘水落漲虛沙灘去秦吳萬里賒
馬上折殘江北柳舟中開盡嶺南花
離歌不斷如留客歸夢初驚似到家
山鳥一聲人未起半床春月在天涯

早發天台

來住天台天姥間欲求真訣駐衰顏
星河半落岩前寺雲霧初開嶺上關
舟壑樹多風浩浩碧溪苔淺水潺潺
可知劉阮逢人處行盡深山又是山

別劉秀才

三獻無功玉有瑕更攜書劍客天涯
孤帆夜別瀟湘

雨廣陌春期樗杜花燈照水螢千點滅棹驚灘鴈一行斜關河萬里秋風急望見鄉山不到家

靈山寺

西巖一逕不通樵八十持盃未覺遙龍卧石潭聞夜雨鴈移沙渚見秋潮經函露濕文多暗香印風吹字半銷應笑東歸又南去越山無路水迢迢

李韶州移改郴州

詔移丞相木蘭舟桂木潺湲嶺北流青漢夢歸雙闕曙白雲吟過五湖秋恩迴玉宸人先喜道在金滕世不憂聞說公卿盡南望甘棠花暖鳳池頭

飛泉觀

西巖泉落水容寬靈物蜿蜒黑虬蟠松葉正秋琴韻響菱花初曉鏡光寒雲開星月浮山殿雨過風雷繞石壇仙客不歸龍亦去稻畦長滿此池乾

朝臺送客

趙佗西拜已登壇馬援南征土宇寬越國舊無唐印綬蠻鄉今有漢衣冠江雲帶日秋偏熱海雨隨風夏亦寒嶺北歸人莫回首萋花楓葉萬重灘

酬錢汝州

白雪多隨漢水流謾勞旌旆晚悠悠笙歌暗寫終年

恨臺榭潛消盡日憂鳥散落花人自醉馬嘶芳草客
先愁怪來雅韻清無敵三十六峯當庾樓

元正

高揭雞竿闢帝闈祥風微暖瑞雲屯千官共削姦臣
迹萬國初銜聖主恩宮殿雪華齊紫閣關河春色到
青門華夷一軌人方泰莫學論兵誤至尊

贈鄭處士

道傍年少莫矜誇心在重霄髮未華楊子可曾過北
里魯人何必敬東家寒雲曉散千峯雪暖雨晴開一
徑花且賣湖田釀春酒與君書劍是生涯

贈房明府

帝城春榜謫靈仙四海聲華二十年闕下書功無後
輩卷中文字掩前賢官閑每喜江山靜道在寧憂雨
露偏自笑小儒非一鶚亦趨門屏冀相憐

京口閑寄

吳門烟月昔同遊楓葉芦花並客舟聚散有期雲北
去浮沉無計水東流一尊酒盡青山暮千里書來碧
樹秋何處相思不相見鳳城宮闕楚江樓

杜牧

西江懷古

上吞巴漢控瀟湘，怒似連山淨鏡光。
魏帝縫囊真戲劇，符堅投筆更荒唐。
千秋釣舸詩明月，萬里沙鷗弄夕陽。
范蠡清塵何寂寞，好風惟屬往來商。

齊安郡晚秋

柳暗風來影漸疎，使君家似野人居。
雲容水態還堪賞，嘯志歌懷亦自如。
雨暗殘燈棊散後，酒醒孤館鴈來初。
可憐赤壁爭雄渡，唯有簑翁坐釣魚。

趙嘏

寒食遣懷

折柳城邊起暮愁，可憐春色獨懷憂。
傷心正嘆人間

事回首更慚江上鷗，鷓鴣聲中寒食雨。
芙蓉花外夕陽樓，憑高滿眼送清渭，
去傍故山山下流。

李頻

下第北遊

聖代為儒可致身，誰知又別五陵春。
青門獨出空歸鳥，紫陌相逢盡醉人。
江島去尋垂釣遠，塞山來見舉頭頻。
且須共漉邊城酒，何必陶家有白綸。

韋莊

咸陽懷古

城邊人倚夕陽樓，城上雲凝萬古愁。
山色不知秦苑

廢水聲空旁漢宮流李斯不向倉中悟徐福應無物
外游莫怪楚吟偏斷骨野烟蹤迹似東周

汧陽縣閣

汧水悠悠去似緝遠山如畫翠眉橫僧尋野渡歸吳
岳鴈帶殘陽入渭城邊靜不收蕃帳馬地貧惟賣隴
山鸚牧童何處吹羌笛一曲梅花出塞聲

張泌

長安道中早行

客離孤館一燈殘牢落星河欲曙天雞唱未沉函谷
月鴈聲新度灞陵烟浮生已悟莊周夢壯志仍輸祖

逖鞭何事悠悠策羸馬此中辛苦過流年

譚用之

別洛下知己

金鼎光輝照雪袍洛陽春夢憶波濤塵埃滿眼人情
異風雨前程馬足勞接塞蛾眉通蜀險過山仙掌倚
秦高別來無限幽求子應笑區區味六韜

感懷

十年流落賦歸鴻誰傍昏衢駕燭龍竹屋亂烟思梓
澤酒家踈雨夢臨邛千年別恨調琴懶一片年光覽
鏡慵早晚休歌白石爛放教歸去卧群峯

杜甫

曲江

朝回日日典春衣，每日江頭盡醉歸。
酒債尋常行處有，人生七十古來稀。
穿花蛺蝶深深見，點水蜻蜓款款飛。
傳語風光共流轉，暫時相賞莫相違。

曲江陪鄭八丈南史飲

雀啄江頭楊柳花，鷓鴣鷓鴣滿晴沙。
自知白髮非春事，且盡芳尊戀物華。
近侍只今難浪迹，此身那得更無家。
丈人才力猶強健，豈傍青門學種瓜。

題省中壁

掖垣竹埤梧十尋，洞門對雪常陰陰。
落花遊絲白日靜，鳴鳩乳燕青春深。
腐儒衰晚謬通籍，退食遲回違寸心。
衮職曾無一字補，許身愧比雙南金。

南隣

錦里先生烏角巾，園收芋栗未全貧。
慣看賓客兒童喜，得食堆除鳥雀馴。
秋水纔添四五尺，野航恰受兩三人。
白沙翠竹江村暮，相送柴門月色新。

客至

舍南舍北皆春水，但見群鷗日日来。
花迳不曾緣客掃，蓬門今始為君開。
盤飧市遠無兼味，樽酒家貧只

舊醅肯與隣翁相對飲
隔籬呼取盡餘杯

嚴公仲夏枉駕草堂兼携酒饌得寒字

竹裏行厨洗玉盤
花邊立馬簇金鞍
非關使者徵求急
自識將軍禮數寬
百年地僻柴門迥
五月江深草閣寒
看弄漁舟移白日
老農何有罄交歡

送辛員外

雙峰寂寂對春臺
萬竹青青照客杯
細草留連侵坐軟
殘花悵望近人開
同舟昨日何由得
並馬今朝未擬回
直到綿州始分手
江頭樹裏共誰來

滕王亭子

君王臺榭枕巴山
萬丈丹梯尚可攀
春日鶯啼脩竹裏
仙家犬吠白雲間
清江碧石傷心麗
嫩蕊濃花滿目班
人到于今歌出牧
來遊此地不知還

白帝

白帝城中雲出門
白帝城下雨翻盆
高江急峽雷霆閉
古木蒼藤日月昏
戎馬不如歸馬逸
千家今有百家存
哀哀寡婦誅求盡
慟哭秋原何處村

詠懷古跡

支離東北風塵際
漂泊西南天地間
三峽樓臺淹日月
五溪衣服共雲山
羯胡事主終無賴
詞客哀時且

未還庾信平生最蕭瑟莫年詞賦動江關

江陵節度使陽城郡王新樓成王請嚴侍

御判官同作

西北樓成雄楚都遠開山岳散江湖二儀清濁還高
下三伏炎蒸豈有無推轂幾年惟鎮靜曳裾終日盛
文儒白頭受簡焉能賦愧似相如為大夫

將赴荆南寄別李劔州弟

使君高誼驅今古寥落三年坐劔州但見文翁能化
蜀焉知李廣不封侯路經灩澦雙蓬鬢天入滄浪一
釣舟戎馬相逢更何日春風回首仲宣樓

已上係增入原是摘句

唐詩拾遺卷之十終

唐言抄

卷之七

同治
藏書

